

明
記
南
北
遺
聞

光緒三十四年六月初版
光緒三十四年六月發行

明季南北遺聞
（定價大洋四角）

原著者

江左鄒漪

評點者

日本黑川玄通

校正者

日本豬飼敬所

發行者

留學東京張仲

上海均益圖書公司

各省書局



序

嗚呼。明季之事。天與人難言哉。自三代以迄唐宋。繼世有天下者。莫不禍亂代起。以開中興。其間惟晉元宋高。偏安江左。他若夏少康。商武丁。周宣王。漢世祖。唐肅宗。凡邊亂內難。一皆削除之。光復舊物。告成太廟。享有祈年保民之譽。以垂久遠。明朝祖功宗德。較隆前代。而先皇帝以聖明在御。旰食宵衣。比之太康之尸位。仲壬之廢嫡厲王之內嬖。哀平之外戚。惠帝之昏弱。明皇之淫蕩。徽宗之晏佚。舉無一端。謂宜治平立臻。而逆寇犯闕。身殉社稷。烈於七君。言天言人。都不可信。蓋自故輔烏程武陵輩。不能以堯舜之道事君。務拾申商督責唾餘。以煩苦天下。十六年間。三事九列。繩繩繼繼。半是持祿養交。唯諾成風。賄賂競尚。始而裁驛。繼而加派。繼而抽練。繼而郡邑以催科。

爲上考。庶司以搜括爲能事。繼而簞鼓細人。流言流說。以培克爲希幸。兼以高尙威嚴。獄訟繁興。民不堪命。而又錢法鈔法。一時並行。致海內若焦若焚。怨讟盈路。盜賊蜂起。勦不成。撫不成。雖有善者。末如之何。屈指當日。不乏名流。如品行高峻。卓出倫表之吳鄭。鹿友玄嶽閔通博雅。磊落千古之錢王。牧齋覺斯慷慨擔當。實心經世之洪盧王史。石齋八公奇情至性。孤行特立之黃蔣文姚。石齋八公諫鐵面冰心。百折不回。輾軻顛躓之劉趙楊章。晉卿前之熊姜傅李。機部魯齋魚山如農。詹任毛魏。一庵叅之成曹周葉諸公。寶慈履垣右君灌谿。芝田倩石。成曹周葉諸公。仲馭渭山而羣小必掣其肘。絆其足。毛舉鷺擊。俾任事之。念不勝其救過之。念跋前疐後。而憂患多。左方右圓。而才智拙。不過出嘆於朝。入嘆於室。中宵徬徨。當饋而起。一旦勢成土崩瓦解。以祖宗櫛風沐雨之天下。輕輕斷送。

於衆小人。手宜乎有識者憤激而言。謂今日無論李綱難得。即求一大小人。若秦檜。亦不可得也。迨弘光南渡。時事日非。除聲色貨利之餘。無朝政自誥命贈廕而外。無功能。真所謂清歌漏舟之中。痛飲頽屋之下。泄泄沓沓於斯爲甚。若夫八閩兩粵。餉匱兵單。愈趨愈下。尤不足觀。譬之千金之子。家資蕩盡。四壁徒存。而又外侮交訐。爲之紀綱者。復從而陰耗之。其主人復不能憂勤節儉。欲以左支右吾。光前猷而復祖業。此實難已。試問誰秉國成。則貴陽桐城南安。吸脂吮髓。前後一轍。此與烏程武陵。又何以異。蓋若輩有小人之心。無小人之才。才能治天下。亦能亂天下。惟無才止能亂天下。不能治天下。殆明季之謂與。即有一二正人君子。公忠體國。若姜高劉呂。祁許張吳。熊馬章金數輩。居之經齋念臺嚴若世培霞城非聽投紱去。則重得罪。

耳。曾有一人得安意行道者乎。而欲以致治保邦。又曷望焉。清朝
入關。伸義勦賊。時朝議冊封晉藩於江南。興滅繼絕。誠爲盛事。會聞
金陵擁立。遂興南下之師。不二年間。摧枯拉朽。東南半壁。全入版圖。
求如晉宋。亦不可得。凡此盡人事之不臧。與抑出於天數之有定。與
頃者野史紛紜。愛憎失實。如王之明。假冒太子。而以爲眞。左崑山迅
掃羣奸。而稱爲叛。張司馬矢忠北進。而加以不韙之名。李太史倡議
南遷。而昧其先幾之哲。乖訛顛倒。類不一端。茲就先達之緒論。合之
邸報之流傳。稍爲詮次成帙。昔齊公仲氏。懼女醜而無歸。日譽女之
美。且許以千金之裝。人曰。女姣而復贈以厚裝。必醜。卒不聘。申屠氏
女美。懼其女之入於宮也。乃毀爲惡。亦卒不聘。夫美醜之不以毀譽
掩。如此。余又何必曲舌強爲飾說乎。然則燕都之變。人耶。而寔天也。

金陵閩粵之失天耶而卽人也。天人之際余殆不能不三致意云。

始

明季南北遺聞 序

五

明季南北遺聞

北都

江左鄒 漪流綺輯

李自成初名鴻基。陝西米脂縣人也。祖海。父守忠。世農。頗饒。自成幼好勇。與姪李過即一雙虎爲暴于鄉。娶妻有淫行。手刃之。以負債故。受過于艾同知。并殺艾。懼罪。逃入甘肅爲兵。以功陞把總。又殺王叅將。遂爲賊。初崇禎皇帝卽位。勵精圖治。軫恤民艱。憂國用不足。務在節省。於是給事中劉懋上疏。請裁驛遞。可歲省金錢數十餘萬。上喜。著爲令。有濫予者罪不赦。部科監司多以此獲譴去。天下惴惴奉法。顧秦晉土瘠。無田可耕。又其民饒膂力。貧無賴者。藉水陸舟車。奔走自給。至是遂無所得食。未幾秦中疊饑。斗米千錢。民不聊生。草根樹皮。剝削殆盡。上命御史吳甡賫銀十萬兩往賑。然不能救。又失驛站生計。遂相聚爲盜。給事中許國榮。御史姜思睿等。知其故。具言驛站不當罷。上皆不允。衆共切齒于懋。呼其名而詛咒之。圖其形而叢射之。懋以是自恨死。棺至山東。莫肯爲輦。負

者。至委棺旅舍。經年不得歸。已已。清兵薄畿。徵四方援兵。勤王保定兵首潰。餘亦多中路逃者。因與飢民合勢。嘯聚山澤。秦中鎮將守臣議。蹙賊于險。據隘殲之。可一鼓盡也。三邊總督楊鶴獨力主招撫。議賊出險。遂橫不可制。鶴以此被逮。下詔獄。上意必欲誅之。以欲用其子嗣昌。故賞其死。然首禍寔自鶴云。賊既蔓延秦晉間。又歲壬申。登萊兵變。因調關寧兵馬步二萬討平之。朝議欲乘戰勝精甲。渡河進剿。兵部尙書張鳳翼家本山西。慮其驅賊入晉也。阻之。盡放遼兵出關。賊遂得渡河而南。因入豫入楚入安廬。賊首之有名號者在秦則稱紫金梁。上和滿天星。蝎子塊。老獬獬。一字王。劉小邢管隊。領兵王。整齊王。闖塌天。姓張劉過天星。五張南營八大王。八爪龍。姓徐西營八大王。張獻忠二隊八大王。不沾泥。混世王。曹操。亂世王。八隊闖將。姓張張飛。九條龍。五條龍。賀雙全。高總管等。二十四家。晉豫則稱英王。王鎮虎。朱溫。趙令軍。曹操。吳計。過天星。郝光。混天星。荊聯子。過江王。混世王。大膽王。征西王。福壽王。齊天王。密靈王。閻和尚。老獬獬。上天

龍出獵雁黑心虎樓山虎新一字王西營八大王南營八大王東營八大王混
天王紫金梁正天王閩王領兵王老邢四隊六隊八隊闖場天順義王等三十
二營各擁衆數萬少者萬計蹂躪直省無虛日時李自成方依闡王高氏與劉
良佐自結一隊號闡將名不大著癸酉賊在河南沿山州縣無處不到正月副
將芮琦戰死武安二月中軍曹鳴鶚陷沒趙寨三月賊入清化游擊越效忠登
屋擊賊墮地死遊擊陶希謙在武安出禦賊硯水自暮移營賊乘之落塹死總
兵左良玉馳救清化賊方去復馳武安勝之於三井獲賊首小秦王總兵曹文
詔自晉來援涉勝于毛嶺五月賊盡至磁衆十餘萬長可五六十里總兵鄧玘
與良玉會兵彭城尾至林縣之清池柳泉擊敗之殲其尖騎九天聖等八十一
人其分股犯衛輝者巡撫玄嘿自乘城以却之六月參將湯九州領昌平兵至
豫時流賊爲鄧左周敬爾三家兵所追方從林走輝九州自涉來林闡賊之中
堅勝於馬鞍山斬賊首混天王賊從林奔懷濟鄧左追擊大敗之賊奔潰沿河

從溫孟至武涉。遁入山。復回林縣。時湯九州駐兵水治。居安林磁武四邑之要路。八月。有陽邑鎮科泉。清涼山。九龍山。王凱寨。原康村。湖南七捷。斬獲賊首。混天猴等。左有河村。柿黃山。八特三捷。俘斬新立一字王。殺盡王等。周有都里。馬鞍山二捷。是月京營副將倪寵。王樸。以禁旅六千至彰德。九月。有原康營底涉縣三捷。斬獲飛天聖等。兵勢大振。賊棄妻子走北。奔五臺山。既而復回。京營尾於後。湯左扼於前。京營勝之於亢候石坡牛尾。湯兵勝之於青店沙岡。賊勢窮迫。十一月。賀雙全。新虎等。因京營乞降。然焚掠如故。湯九州在林縣。連戰三日。勝於兩岔口。再勝於安陽夏村。又勝於旁坐寨清涼山。共擒斬四百餘級。左良玉勝之於早生。斬二百級。晉兵曹變蛟。亦勝之於涉縣。守備許志忠。孔道興等。併力進勦。賊前隊已連夜走濟源垣曲。遂以二十四日。乘冰渡河。二十六日。破澠池。又破盧氏。又破伊陽二縣。賊渡河後。殺掠更慘。初止左帥一軍尾。雖有盧氏銀洞溝刀環川柳泉之捷。而賊衆四掠。雒陽。新安。陝州。靈寶。閿鄉。盧氏。永

寧汝州魯山葉縣舞陽遂平確山信陽南陽裕州泌陽桐柏淅川新野內鄉等州縣賊無不至。十二月十九日賊至鄆城。勢逼開歸。會日暮雨雪。巡撫玄嘿起。湯九州於床曰。事急矣。宜乘夜襲之。即晚勝之。吳城鎮追殺五六十里。殺賊盈野。斬四百餘級。明日又追及於橫山鎮。斬六百餘級。皆殺賊強壯。是月二十日左帥有保安之捷。又有趙庄之捷。又有平上關黑山之捷。七年甲戌正月初一日。巡按劉令譽督京營有牛蹄泔之捷。出其不意。斬級踰千。得此三路大捷。賊始狼狽走楚。河南乃寧。蓋賊最畏曹文詔。其標將曹變蛟更驍勇。時爲之謠曰。軍中有一曹。流賊聞之心膽搖。次左良玉。湯九州。若京營兵。賊甚輕之。時賊大夥在秦。勦撫未定。諸督撫前後數十輩。或被譴去。或逮繫去。或死西市。或戰死逃死。不可勝計。惟秦督洪承疇勦禦有方。遂自秦撫進五省總督。承疇廉勇精韜鈴。率總兵曹文詔。曹變蛟。左良玉。賀人龍等。凡破賊於寧塞。於西安。於延北。於西濠。於莊浪。斬賊渠神一魁等。招降中斗星等。每逐賊奔馳往還數千里。毋

在官舍過門。不入。士卒感其義。爭爲效死。楊嗣昌在樞部。忌其才績。意弗善也。會賊在江北安廬者。以英山霍山爲窟穴。旣野掠黃麻間。又破隨州羅田。潁和廬霍相繼告陷。鳳陽無城可守。雖有總漕楊一鵬駐紮。兵不過二千。餘皆市人不習戰。賊至隨破。焚皇陵。燒享殿。一鵬遽斬。給事中許譽卿四疏糾劾溫體仁。擬旨。准撫不必移鎮。以致悞陵。給事中何楷以一鵬爲輔臣。王應熊座師。并糾應熊。應熊竟以此罷相。指揮包文達脇中流矢。揮刀陷陣。賊迫令卸甲降。文達怒罵。賊砍其左臂。斷頭而去。和州知州黎弘慧。學正康正諫。總管周廷儒。訓導趙世選。霍山教諭龔元祥。訓導姚允恭。死之。兵部尙書張鶴鳴。賊索金幣。入其室。見皆古玉及陶器。遂斃其頂達踵。原任御史馬如蛟。與兄運尹如此。諸生如虹。一門戰歿。原任副使盧謙。諸生韓光祖。葉漳等俱死。惟江浦斗大孤城。知縣季維懋登陴防禦。追賊鏖戰。奮臂大呼。所向辟易。賊衆宵遁。是時殺戮之慘。天地爲黑。有縛人之夫。與父而淫其妻女。然後殺之者。有驅人之父。淫其女以

爲戲而後殺之者。甚至裸孕婦於前。共卜其腹中男女。剖而驗之。以爲戲。一試不已。至再至三者。又甚至以大鍋煮油。擲孩子於內。觀其跳躍啼號。以爲樂者。又甚至綁人於地。生剗其腹。寔以米豆牽羣羊而爭飼之。取人之血和米麥爲粥。以饌馬。驢使之腹壯而能中敵者。所擄人子女百千。臨行不能多帶。盡殺而去。或殺人而間以蘆葦薪木堆城下。縱火焚之。令穢氣烟焰薰逼城上。守兵立仆。上震怒。勒限六月平賊。齋居武英便殿。減膳撤樂。青袍視事。以示行間文武甘苦與同之意。朝議命廬象昇爲總理。象昇初備兵天雄。寇興。馳行郡內。嚴檄州縣繕城治具。率衆往。遇賊數萬。象昇弗却。中一矢。額傷。又一矢。僕夫斃馬下。象昇提刀戰益疾。賊乘高臨。後兵至乃免。賊分黨趨城下。潛發兵攻滑。象昇知賊計。戒守城士勿動。選騎出前伏。草莽賊至卒發。大敗之。斬級數千。賊相戒曰。此廬閻王。遇卽死。不可犯。象昇以是有能兵名。賊懼。南渡河。河以南所至殘燹。甲戌。鄖破。命象昇撫鄖。鄖大治。乙亥。命象昇撫楚。賊又懼。流河南。總兵祖寬於

維陽等處。三戰三捷。斬級二千。軍聲大振。象昇遂晉兵部侍郎。總督七省。會乙亥歲杪。滁州攻圍甚急。知州劉大鞏。馳檄請救。疾走援。奮擊賊大敗。象昇會諸將曰。兵貴神速。今賊氣已衰。失此不擊。長患安窮。趨兵乘其後。又大敗。賊遁承襲。象昇獨以數百騎入陣中。爲賊困二日。賊不敢犯。象昇與諸將約曰。食盡道窮。留此死。擊不勝亦死。吾當力衝之。乃率騎往。擊殺萬人。斷食道。越三日。投戈請降。其及之於滁。將盡勦無遺。顧以淮督朱大典。莫爲堵截。復逸去。會丙子夏六月。休兵。象昇疾走秦關。與總督洪承疇議事。時秦中之賊方熾。豫中之賊又來。凡臨潼。邠州。渭南。韓城。華州等處。承疇隨地嚴兵阻賊。象昇又屢獲奇勝。釜魚阱獸。賊旦暮可平。乃溫體仁忌功。象昇忽受命勤王。未幾改宣大總督。而以熊文燦代之。文燦惟迎合中朝爲事。一意招撫。賊勢復烈。蓋體仁以象昇爲南人不習邊塞。改置重地。增其擔負。緩則敵之。急則殺之。此其積念也。後象昇果戰死松杏。承疇尋亦改督薊遼。時賊既往來不定。豫中尤稱要衝。關陝以東。黃

河以南襄漢以北。延袤數千里。所在馳突。乙亥。巡撫玄嘿罷去。代之者陳必謙。必謙與象昇協力剿賊。部領諸將左良玉、陳永福、趙國柱等。斬興世王於郟縣。闡世王於白沙。整齊王於宜陽。掃地王於郟。豫患少息。已而敕詔到豫。必謙知其詐。欲令面縛詣軍門。副將王進忠勦賊無功。思以欸自効。單騎入賊營。爲賊所殺。必謙竟以此罷。賊又破盧氏。陷陝州。攻圍永寧。破冀庄、馮庄等寨。及岢峪等十三村。丙子。用經略侍郎王家禎巡撫河南。時宛南裕舞一帶。巨寇鵠、張踞蟠龍山。負嵎爲勢。不一年。家禎旋罷去。陞河北道常道立代之。蓋道立幼。在楊鶴衙齋。與嗣昌善。嗣昌時以本兵入閣也。上又憂賊不卽平。命內臣盧九德、劉元斌率禁旅出討。八月。抵河南。九德勤幹。諳練兵機。其把牌中軍黃得功、宋紀皆驍勇絕倫。官兵勦賊於眞陽縣之張家灣。追至光山。千總張國柱被圍。遊擊苗有才救之。而山下雪積坑深。方欲收兵。賊大隊齊發。呼囉囉爲號。四面合圍。官兵大敗。大畧劇賊人有副馬。疲則易之。蹣捷如飛。官兵用步卒尾之。重趼而

至賊已逸去。喘息未定。他警又告。故將士不勝勞苦。終無成功。是年賊勢益熾。其在楚者。自秦翼明、楊世恩、應山一捷。斬級五百而後。旋遶麻黃。一股西犯德安。一股東趨江北。破英廬。圍安慶。副將程龍以火藥含笑自焚。守備陳於玉等俱戰歿。十月入舒城。參將張一龍勝之於咎家岡。獲其頭目搖天動等。副將孫應元勝之於烏紗山。斬五十餘級。太監劉斌率京營兵鏖戰竟日。追殺七十餘里。號哭震天。殺賊五百四十二級。賊遁入山。而秦撫孫傳庭破殺闖王高氏。自成入西川。十月初四日。冲梨樹壩。日等關。副將孔全斌等遁。於是破寧羌。攻廣元。逆宗朱廷一者。時爲參軍。株守保寧。坐視不救。遂直犯成都。蜀撫王維章聽其突入。不能扼禦。自成往來階徽間。維章逮問伏法。戊寅。巡撫常道立奏賊犯鄧州。焚毀周王八塋。總理熊文燦報賊困英山。合九路之兵會勦。賊從德黃一路潛遁。楚撫俞應桂逮問。豫撫常道立招撫闖塌天等。闖塌天本名劉國能。性至孝。就撫。乃奉其母命也。晉撫宋賢奏混十萬等賊乘虛窺渡。攻剋五塔。塔